



Ofisi ya Taifa ya Takwimu

Simu: +255 26-2963822
Nukushi: +255 26-2963828
Barua pepe: sg@nbs.go.tz
Tovuti: www.nbs.go.tz

Barabara ya Jakaya Kikwete,
S.L.P. 2683,
Dodoma
TANZANIA.



Unapojibu tafadhali taja:
Kumb Na: NBS/S.40/21/562

YALIYOJITOKEZA

Tarehe: 08 Julai, 2020

FAHIRISI ZA BEI ZA TAIFA KWA MWEZI JUNI, 2020

MAELEZO YA MBINU NA KANUNI ZA UKOKOTOAJI FAHIRISI ZA BEI ZA TAIFA

Maana ya Fahirisi za Bei za Taifa

Fahirisi za Bei za Taifa ni kipimo kinachotumika kupima mabadiliko ya bei za bidhaa na huduma mbalimbali zinazotumiwa na sampuli wakilishi ya kaya binafsi nchini Tanzania. Bei za bidhaa na huduma 278 zikiwa ni pamoja na bidhaa 97 za Vyakula na Vinywaji Baridi na 181 zisizo za Vyakula hukusanywa kila mwezi katika kila mkoa.

Mizania za Bidhaa na Huduma za Jamii na Kizio cha Bei

Mizania ya Fahirisi za bei za Taifa zimetokana na matumizi ya kaya binafsi kutoka mikoa 25 ya Tanzania Bara. Mizania inajumuisha matumizi ya kaya zote binafsi kutoka mijini na vijijini yaliyotokana na Utafiti wa Mapato na Matumizi ya Kaya binafsi wa mwaka 2011/12. Kizio cha bei kinachotumika kukokotoa Fahirisi za Bei za Taifa ni cha mwezi Desemba, 2015.

Makundi ya Bidhaa na Huduma za Jamii

Fahirisi za Bei za Taifa hufuata makundi yaliyokubalika Kimataifa yanayoitwa mchanganuo wa matumizi binafsi "Classification of Individual Consumption by Purpose (COICOP)". Fahirisi za Bei zinajumuisha makundi 12 ya mfumo wa COICOP pamoja na fahirisi za bei kwa makundi maalumu. Makundi hayo maalumu ni; 1) Vyakula na vinywaji baridi-vikijumuisha vyakula vinavyoliwa nyumbani na mahotelini; 2) Nishati na Mafuta - kundi hili linajumuisha umeme na aina nyingine za nishati zinazotumika nyumbani pamoja na petroli na dizeli; 3) Fahirisi za bidhaa na huduma zote za jamii isipokuwa vyakula na vinywaji baridi; 4) Fahirisi za Bidhaa na huduma zote za jamii isipokuwa vyakula, vinywaji baridi, nishati na mafuta.

Namna ya Kukokotoa Fahirisi za Bei za Taifa

Fahirisi za Bei za Taifa katika ngazi za mwanzo hukotolewa kwa kutumia wastani wa jiometa "geometric mean of Price Relatives". Kanuni ya Lowe Index Formula ambayo ni aina ya "Laspeyres Index Formula" hutumika kukokotoa Fahirisi za Bei za Taifa katika ngazi ya makundi makubwa.

MFUMUKO WA BEI KWA KIPIMO CHA MWAKA UMEBAKI KUWA ASILIMIA 3.2
Jedwali Namba 1: Badiliko la Fahirisi za Bei za Taifa kwa Mwezi Juni, 2020
(Des. 2015 = 100)

| Na. | KUNDI (MAIN GROUP) | Mizania (Weight) | Juni, 2019 | Mei, 2020 | Juni, 2020 | Badiliko la mwezi mmoja | Badiliko la miezi 12 |
|--------------------------------------|--------------------------------------------------------------------------------------------------------------------------------|------------------|---------------|---------------|---------------|-------------------------|----------------------|
| 1 | Vyakula na vinywaji baridi. | 38.5 | 121.87 | 127.00 | 126.44 | -0.4 | 3.8 |
| 2 | Vinywaji vyenye kilevi na bidhaa za tumbaku. | 3.7 | 111.49 | 111.15 | 111.65 | 0.5 | 0.1 |
| 3 | Mavazi ya nguo na viatu. | 8.3 | 112.02 | 114.47 | 114.68 | 0.2 | 2.4 |
| 4 | Nishati, Maji na Makazi. | 11.6 | 140.00 | 151.32 | 152.95 | 1.1 | 9.2 |
| 5 | Samani, vifaa vya nyumbani na ukarabati wa nyumba. | 6.3 | 111.74 | 113.63 | 113.74 | 0.1 | 1.8 |
| 6 | Gharama za Afya. | 2.9 | 109.47 | 109.88 | 110.49 | 0.6 | 0.9 |
| 7 | Usafirishaji. | 12.5 | 106.16 | 107.56 | 105.84 | -1.6 | -0.3 |
| 8 | Mawasiliano. | 5.6 | 96.51 | 97.09 | 97.08 | 0.0 | 0.6 |
| 9 | Utamaduni na Burudani. | 1.6 | 106.03 | 104.79 | 104.95 | 0.1 | -1.0 |
| 10 | Elimu. | 1.5 | 107.68 | 109.03 | 109.03 | 0.0 | 1.3 |
| 11 | Hoteli na Migahawa. | 4.2 | 110.31 | 111.27 | 111.31 | 0.0 | 0.9 |
| 12 | Bidhaa na huduma nyinginezo. | 3.1 | 109.50 | 110.85 | 110.27 | -0.5 | 0.7 |
| JUMLA – FAHIRISI BIDHAHA ZOTE | | 100.00 | 117.03 | 120.93 | 120.74 | -0.2 | 3.2 |
| Makundi Mengine Teule | | | | | | | |
| 1 | Vyakula—vikijumuisha vyakula vilivyoliwa nyumbani na migahawani. | 37.1 | 125.66 | 131.77 | 131.56 | -0.2 | 4.7 |
| 2 | Nishati na Mafuta—kundi hili linajumuisha umeme na aina nyingine za nishati zinazotumika nyumbani pamoja na petroli na dizeli. | 8.7 | 153.30 | 160.91 | 160.48 | -0.3 | 4.7 |
| 3 | Fahirisi za bidhaa na huduma zote za jamii isipokuwa vyakula. | 62.9 | 114.85 | 118.10 | 118.25 | 0.1 | 3.0 |
| 4 | Fahirisi za bidhaa na huduma zote za jamii isipokuwa vyakula, nishati na mafuta. | 54.3 | 108.70 | 111.25 | 111.50 | 0.2 | 2.6 |

Mfumuko wa Bei wa Taifa kwa kipimo cha mwaka unapima kiwango cha kasi ya mabadiliko ya bei za bidhaa na huduma zote zinazotumiwa na kaya binafsi. Jedwali Namba 1 hapo juu linaonesha kuwa, Mfumuko wa Bei wa Taifa kwa mwaka ulioishia mwezi Juni, 2020 umebaki kuwa asilimia 3.2 kama ilivyokuwa kwa mwaka ulioishia mwezi Mei, 2020. Hii inamaanisha kuwa, kasi ya mabadiliko ya bei za bidhaa na huduma kwa mwaka ulioishia mwezi Juni, 2020 imebaki kuwa sawa na kasi iliyokuwepo kwa mwaka ulioishia mwezi Mei, 2020. Fahirisi za Bei zimeongezeka hadi 120.74 mwezi Juni, 2020 kutoka 117.03 mwezi Juni, 2019.

Mfumuko wa Bei kwa Bidhaa za Vyakula na Bidhaa zisizo za Vyakula


Mfumuko wa Bei wa bidhaa za Vyakula na Vinywaji Baridi kwa mwezi Juni, 2020 umepungua hadi asilimia 3.8 kutoka asilimia 4.4 mwezi Mei, 2020. Mfumuko wa Bei kwa kipimo cha mwaka kwa bidhaa za vyakula vinavyoliwa nyumbani na migahawani kwa mwezi Juni, 2020 umepungua hadi asilimia 4.7 kutoka asilimia 5.2 kwa mwaka ulioishia mwezi Mei, 2020. Kwa upande mwingine, badiliko la Fahirisi za Bei kwa bidhaa zisizo za vyakula kwa mwezi Juni, 2020 limeongezeka hadi asilimia 3.0 kutoka asilimia 2.4 mwezi Mei, 2020.

Mfumuko wa Bei wa Bidhaa na Huduma zote usiojumuisha Bidhaa za Vyakula na Nishati

Mfumuko wa Bei ambao haujumuishi bidhaa za vyakula na nishati kwa mwezi Juni, 2020 umeongezeka hadi asilimia 2.6 kutoka asilimia 2.2 mwezi Mei, 2020.

Fahirisi inayotumika kukokotoa aina hii ya Mfumuko wa Bei, haijumuishi vyakula vinavyoliwa nyumbani na migahawani, petroli, dizeli, gesi ya kupikia, mafuta ya taa, mkaa, kuni na umeme. Vyakula na bidhaa za nishati vina sifa ya kuwa na bei ambazo hubadilika mara kwa mara, hivyo vikiondolewa kwenye fahirisi ya bidhaa na huduma zote hubakia fahirisi ambayo ina mwelekeo imara kwa Watunga Sera.

Kielelezo Namba 1: Mwenendo wa Fahirisi za Bei za Taifa na Mfumuko wa Bei Kutoka Mwezi Juni, 2019 hadi Juni, 2020. (Des. 2015 = 100)



Kielelezo Namba 1 hapo juu kinaonesha kuwa, Fahirisi za Bei zimekuwa na mwenendo imara kutoka mwezi Juni, 2019 hadi mwezi Juni, 2020. Katika kipindi hicho, Mfumuko wa Bei ulikuwa kati ya asilimia 3.2 kwa mwezi Mei na Juni, 2020 na asilimia 3.8 kwa mwezi Novemba na Desemba 2019.

MABADILIKO YA FAHIRISI ZA BEI KATI YA MWEZI MEI, 2020 NA MWEZI JUNI, 2020

Fahirisi za Bei kati ya mwezi Mei, 2020 na mwezi Juni, 2020 zimepungua kwa asilimia 0.2 ikilinganishwa na ongezeko la asilimia 0.2 lililokuwepo kati ya mwezi Aprili, 2020 na mwezi Mei, 2020. Fahirisi za Bei zimepungua hadi 120.74 mwezi Juni, 2020 kutoka 120.93 mwezi Mei, 2020. Kupungua kwa Fahirisi za Bei kumechangiwa na kupungua kwa bei za baadhi ya bidhaa za vyakula na bidhaa zisizo za vyakula. Baadhi ya bidhaa za vyakula zilizochangia kupungua kwa Fahirisi za Bei ni pamoja na: - mchele kwa asilimia 1.4, mahindi kwa asilimia 5.1, unga wa mahindi kwa asilimia 2.1, unga wa mtama kwa asilimia 3.1 na viazi vitamu kwa asilimia 3.5. Kwa upande mwingine, baadhi ya bidhaa zisizo za vyakula zilizochangia kupungua kwa Fahirisi za Bei ni pamoja na: - majokofu kwa asilimia 2.2, dizeli kwa asilimia 15.4 na petroli kwa asilimia 16.0.

Jedwali Namba 2: Shajala ya Fahirisi za Bei za Taifa kwa Miezi Ijayo.

| Fahirisi za Bei za Taifa | Tarehe ya Toleo |
|--------------------------|-------------------|
| Julai, 2020 | 10 Agosti, 2020 |
| Agosti, 2020 | 08 Septemba, 2020 |
| Septemba, 2020 | 08 Oktoba, 2020 |

Kwa mawasiliano zaidi tafadhali wasiliana na:

Mtakwimu Mkuu wa Serikali,
Ofisi ya Taifa ya Takwimu,
Barabara ya Jakaya Kikwete,
S.L.P. 2683,
Dodoma,
TANZANIA.

Simu: +255 26 -2963822,
Nukushi: +255 26 -2963828,
Barua pepe: sq@nbs.go.tz;
Tovuti: www.nbs.go.tz.